

# Manmin nga mga Balita

NO. 40 MARCH 2, 2014

## Ang Bag-ong Programa sa GCN 'Reminiscence'

Ang Overseas-crusades gibahaan sa mga Timailhan, Kahibulongan, og sa Gamhanang Lihok



Sa Uganda Holy Gospel Crusade 2000 ang katawhan naayo sa AIDS og uban pang mga endemic-disease. Ang bakol nakalakaw, ang bungol naka dungog, og ang amang nakasulti. Tungod sa nakitang kahibulongang gahum sa Diyos, ang CNN, American news channel, nisibya sad ini. Si Dr. Jaerock Lee nagpamatuud nga si Hesus lang ang Manluluwas sa tanang katawhan, diha sa iyang mga mensahe og gahum sa mga overseas-crusade sa Pakistan, Kenya, Philippines, Russia, Germany, Peru, DR Congo, USA, Israel og Estonia. (Ubos sa tuo: Elder Johnny Kim, MC sa 'Reminiscence')

Ang programang pagpanibya sa GCN ([www.gcntv.org](http://www.gcntv.org)) nga nag proklama sa pagkabalaan sa ebanghelyo og naghatod sa gamhanang lihok! Sa ilang bag-ong programa, 'Reminiscence on Overseas Crusades' nakadawat kini og positibong tubag gikan sa mga nanan-aw. Ang programa nipukaw sa emosyon og nipahinumdom sa mga nakatan'aw sa overseas-crusades ni Dr. Jaerock Lee nga diin ang gamhanang lihok sa Diyos nakita.

Ang Manmin Central Church giabli niadtong 1982, og human sa paglabang sa tulo ka mga pagsulay, ang simbahan nitukod sa pondasyon aron sa pagtuman sa world-mission og niabanti sa ika-2 entablado pag 2000. Ang unang yugto lagsik nga gihulagway sa "Uganda Holy Gospel Crusade 2000", ni Dr. Jaerock Lee.

Sa wala pa ang krusada si Dr. Lee niingon atol sa press-conference, "Makita nimo kon unsa ka gamhanan ang Diyos.

Ikaw mismo maka saksi og matandog pinaagi sa grabing kahibulongang lihok sa Diyos."

Sigon sa iyang gisulti, daghan tinuod ang mga pastor nga nausab og naayo pinaagi sa 'Church Leader Seminar' nga gihimo ubos sa tema nga "Keys to Church Revival" niadtong Hulyo 5-6, 2000. Pag Hulyo 7 ngadto sa sunod nga tulo kaadlaw ang Uganda Holy Gospel Crusade gihimo didto sa Kampala Park. Ang Church's performance teams' songs sa English og sa lokal nila nga sinultian og ang 'Korean-traditional dance' gipasundayag sad diha sa kapuno sa Espiritu og nihitag kinig init nga tubag gikan sa mga nanambong.

Labaw sa tanan, ang mga mensahe ni Dr. Lee "God the Creator", "Why is Jesus our only Savior?" og "God the Healer" uban sa iyang pag-ampo para sa mga masakiton maoy nahimong hinungdan nga nahitabo ang mabutihong lihok sa kaayohan. Ang babaye nga dili makalakaw sulod sa 23 katuig nakalakaw

og ni ambak pa gani. Ang lalake nga mubo og usa ka tiil, naayo kini og nagtupong na ang duha ka tiil! Daghang tawo ang nangaayo sa grabing paso, polyo, og atake. Dugang pa, ang bungol naka dungog, ang amang naka sulti, og ang buta nakakita. Daghan sad ang nangaayo sa AIDS og uban pang klasi sa endemic-disease.

Katong nagsulay sa pag disturbo sa krusada naghinulsol uban ang mga luha sa dihang ilang nakita ang dili katoohang lihok sa gahum sa Diyos. Sa Uganda-crusade ang mga tawo nakahunahuna sa prohibensya sa Diyos para sa Manmin nga kini natuman gyud bisan pag naay mga pagbalda niini. Ang krusada gisibya sa nasyonal nga estasyonan, U-TV og C-TV, sugod sa unang adlaw. Daghan sang mga news-program ang nisibya sa krusada.

Ang CNN, 'American cable news channel', nisibya sad sa maong krusada. Nahimo ang dakong impluwensya sa

pagpanibya. Nagbutang sad kini sa pondasyon para sa Manmin aron matukod ang GCN nga karon nagsibya na sa kahanginan sa 170 ka mga nasod.

Ang 'Reminiscence on overseas crusade' gisugdan niadtong Disyembre 17, 2013, og ang unang duha ka yugto mahitungod sa Uganda Holy Gospel Crusade 2000 nga maoy naghatag og dalan sa pagpangalagad sa 54 ka African-countries. Ang sunod nga yugto kay, Pakistan United Crusade nga maoy nitay'og sa seemingly-impregnable Islam country, uban sa lihok sa Espiritu. Kini pagasundan sa India United Crusade nga maoy naka atrak sa sobra sa 3-ka milyong katawhan sa Hindu-dominant country, ang Germany United Crusade nga maoy nipukaw sa European nga mga katawhan, ang New York United Crusade nga gihimo didto sa Madison Square Garden sa U.S, og ang Israel United Crusade nga nag proklama didto sa Jewish-majority state nga si Hesus lang ang Manluluwas.





Senyor Pastor Dr. Jaerock Lee

# Ang Gugma dili Malipay sa Daotan

“Ang gugma dili malipay sa daotan, kondili sa kamatuuran.” (1 Corinto 13:6)

Ang gugma nga nagtinguha alang sa binipisyo sa uban, maoy buot sa Diyos: maghatag kinig kalipay, paglaum og kinabuhi; og kon dili kini mausab, mao kana ang espirituwal nga gugma. Tugbang niana, ang unodnong gugma nagtinguha lang sa iyang kaugalingong binipisyo. Ang 15 ka ilhanan sa espirituwal nga gugma naa mahisulat sa 1 Corinto kapitulo 13 nga gitawag og “Love Chapter”.

Ato nang nahisgotan ang 9-ka ilhanan sa espirituwal nga gugma; sama sa, mapailubon, maayo, dili masina, dili hambugero, dili arogante, dili mapahitas-on, dili magtinguha para sa kaugalingon, dili masuk anon, og dili madinumtanon.

Karon atong hisgotan ang sunod nga ilhanan sa espirituwal nga gugma: Dili malipay sa daotan. Ang daotan dinhi nagpasabot sa makauulaw nga lihoc. Kon ikaw dili na malipay sa daotan imong maangkon ang espirituwal nga gugma,

Unya, unsa may pasabot sa gugma nga dili malipay sa daotan? Og unsa may angayan natong buhaton aron maangkon ang espirituwal nga gugma?

## 1. Unsa man ang dili malipay sa daotan?

Sa nasod nga naugmad na, taas kaayog chansang nga ang mga matitud-anong tawo makaangkon sa kalampanan. Kon balihon, sa mga nasod nga wala pa molambo ang kurapsyon og mga bintangador nagdagsang. Halos ang tanan mahimo gumikan sa kwarta ining mga nasora. Ang pagkadaotan mao ra sa pag-usbaw o pagka hugno sa nasod.

Naa sad ni dakong impluwensya sa kinabuhi sa matag usa. Kon hakog ka nga naghunahuna lang nga ang imong kalamboan mao ray gikinahanglan sa imong kinabuhi, dili ka makaangkon og katagbawan og dili ka maka higugma sa uban. Mao nga ang Diyos nagtudlo nato nga ang tinuod nga gugma dili malipay sa daotan apan sa matuud.

‘Dili malipay sa daotan’ og ‘dili madinumtanon’ susama ra. Apan ang kalahian kay ang ‘dili madinumtanon’ walay nagpabilin nga daotan diha sa dughan samtang ang dili malipay sa daotan, nagpasabot nga dili mahimuot sa makauulaw nga mga lihoc og dili gani

moapil niini.

Ibutang ta nga nasina ka sa imong higala nga dato. Dili sad ka ganahan niya tungod kay murag tigpagara sa iyang kadato. Maghunahuna sad ka og sama sa, ‘Dato kaayo siya, apan ako? Maayo untag ma pordoy na siya’. Kini mao ang paghunahuna og daotan. Apan usa kaadlaw, naay nanikas niya og ang iyang kompanya na bangkaruta. Kon mahimuot kang maghunahuna nga, ‘Nagpahambog bitaw na siya sa iyang kadato, may ra!’ Kini mao ang kalipay sa daotan. Hilabi na gyud og moapil pa ka ining klasiha sa daotang buhat, aktibo ka gyung malipay sa daotan.

## 2. Aron maangkon ang espirituwal nga gugma

### 1) Dili gyud ta mosupak sa balaod og dili manakit sa uban

Dili gyud ta magbuhat og bisan unsa nga daotan ngadto sa uban. Naay makaangkon og kadato sa dili sakto nga paagi og dili pinaningkamotan. Manglimbong o manghulga sa uban. Og naa say dili mosunod sa balaod sa nasod aron lang makakuha sa iyang personal nga tinguha. Pananglitan, ang huwis nisilot sa walay sala tungod kay nakadawat man siya og soborno. Kini daotan.

Kon naay mamaligya, unya manikas sa timbangan, o ang kalidad sa gitinda baratohon unya ibaligya og mahal aron lang maka ginansya sa daotan nga paagi. O ang ubang tawo mangita lang sa ilang binipisyo sa walay paghunahuna sa uban. Gawas pa ining mga kasoha, daghang tawo sa kalibutan manikas aron lang makaangkon og kwarta pinaagi sa pagkadaotan.

Atong ibutang nga ikaw naa sa taas nga posisyon sa civil-worker, og imong nahibaw-an nga ang imong suod nga higala dagko og kita tungod sa negosyo nga ilegal. Og madakpan siya, silotan siya pag-ayo, og kining higalaa nihatag nimo og dakong kwarta sa sabot nga dili ka mosulti sa iyang binuhatan. Og tagaan kapa gani niya og mas dako pang kantidad. Bisana pa og nanginahanglan kaayo ka og kwarta, kon nahigugma ka sa Diyos, dili ka makahimo og daotan og mosunod ka gyud sa sakto nga dalan.

Sa 2 Cronicas 19:7 nag-ingon, “Busa pagbaton kamog kahadlok sa Ginoo kay dili buot ang Ginoo nga atong Diyos nga tuison ninyo ang hustisya o magpaborpabor o modawat kamog suborno.” Ang Diyos matarong; Diha Kaniya wala gyuy daotan. Mahimo natong limbongan ang tawo, apan dili ta maka panikas sa Diyos, mao nga magbuhat gyud ta sa matarong og magmatitud-anon.

Ang Bibliya nagsugid nato sa estorya ni Abraham. Sa dihang si Lot, iyang pag-umangkon, nabihag sa laing hari sa pagpakig sangka, gibalik ni Abraham ang tanang tawo sa Sodom og tanang butang og bisan pa gani si Lot nga iyang pag-umangkon og ang iyang mga ginhuatan. Mao nga ang hari sa Sodom mapasalamaton og niingon nga pakuhaon siya sa iyang gusto. Apan si Abraham nagdumili (Genesis 14:22-23). Og bisan sa dihang namatay ang iyang asawa nga si Sarah, ang mga anak ni Heth nga maoy tag-iya sa yuta nga iyang gustong lubngan, gustong mohatag niya sa maong luna. Apan iyang gibayran ang tibuok kantidad, sa nahisulat sa Genesis 23. Kini tungod kay siya matitud-anon og walay tinguha nga makaangkon o maka panag-iya sa bisan unsa nga gikan sa daotan o dili matarong.

Katong nahigugma sa Diyos og gihigugma usab Niya dili maghatag og kadaot sa uban og dili mo supak sa balaod aron lang makakuha sa personal nga binipisyo. Walay lain nga tinguha apan ang patas nga suhol. Mao nga kon malipay sa daotan, kani nagpamatuud nga wala sila mahigugma sa Diyos og sa ilang silingan.

### 2) Dili ta mobuhat sa bisan unsa nga dili pinasubay sa Pulong sa Diyos

Dili lang ang pagsupak sa balaod og ang paghimog kasamok sa uban, apan ang kada sala nga supak sa Pulong sa Diyos daotan usab. Kon ang bati diha sa imong dughan tino nga maporma, kini sala og daotan. Sa daghan nga mga sala, ang pagkadaotan maoy trabaho sa unod. Sama sa pagdumot, kasina, pagpakig away, pagka bayolente, tikasan, og ang pagpatay.

Sa 1 Corinto 6:9-10 nag-ingon, “Nasayod kamo nga ang daotan dili makasulod sa Gingharian sa Diyos. Ayaw

pagpanglimbong kay ang mga tawo nga makihilawason, o nagsimba sa mga diosdios, o mga mananapaw, o nakighilawas sa isigkalalaki o isigkababaye. O kawatan, o hakog, o mga palahubog, o tigbutangbutang, o mga malapason sa balaod, dili makasulod sa Gingharian sa Diyos.” Mao nga katong nanaghimo og daotan makahunahuna gyud nga kuli ang ilang kaluwasan og kinahanglan sila maghinulsol pag ayo.

Ang Bibliya naghigot mahitungod ni Achan nga nahugno tungod nahigugma sa suhol sa pagkadaotan. Siya ang ika-2 tawo sa henerasyon sa Exodu, nagdako siya nga nagsaksi kon unsa ang gihimo sa Diyos. Ang Diyos nigiya nila ubos sa Iyang proteksyon adlaw og gabii. Si Achan nakasaksi nga ang baha sa tubig sa Jordan-River nihunong og ang siyudad sa Jericho nalumpag sa makadiyot. Nakahibalo kaayo siya sa rason nganong si Joshua, ang leder, niingon nila nga dili sila padad-on og bisan unsa sa Jericho: tungod kay ang tanan didto halad man sa Diyos.

Apan nabutaan siya sa kahakog. Sa dihang iyang nakita ang nindot nga hapin gikan sa Shinar og ang kwarta nga silver og bar sa bulawan iyang gibaliwala ang Pulong sa Diyos og ang hangyo ni Joshua og sekreto niya kining gitagoan. Sa katapusan, ang iyang pagkadaotan maoy hinungdan nga ang Israel napildi sa sunod nga panag sangka. Ang iyang pagkabintangador nahibaw-an og ang iyang tanang miyembro sa pamilya gibato hangtod nangamatay.

Mga kaigsoonan. Ang atong Hesus nga walay sala gilansang aron pagluwas natong mga daotan, nahisulat sa 1 Pedro 3:18. Kon atong nahunahuna ang iyang dakong gugma, dili gyud ta malipay sa daotan, og dili sad ta mobuhat ini og magpakabuhi nalang pinasubay sa Pulong sa Diyos. Og dinhi permi tang malipay sa mabungahong kinabuhi. Naglaum ko nga imo dayong palayason ang daotan, pagkamalapason og ang dili matarong, og imong pun-on ang imong dughan sa kamaayo, gugma, og sa pulong nga matuud nga gikan sa Diyos. Nag-ampo ko pinaagi sa ngalan sa Ginoo nga sa imong pagbuhat ini imong maangkon ang espirituwal nga gugma.

## Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihoc sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-

anan pinaagi lamang sa dugo ni Hesu Kristo.

4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

**Manmin nga mga Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 152-848  
Tel: 82-2-818-7047 Fax: 82-2-818-7048  
http://www.manmin.org/english / www.manminnews.com  
E-mail: manminministry@manmin.org  
Publisher: Dr. Jaerock Lee  
Managing Editor: Geumsun Vin

# Sa Kristohanon, unsa ang Pagtoo?



**Q.** Dili pa dugay nga nagsugod ko og simba. Nakahibalo ko nga ang 'bahandi sa mga bahandi' mao ang pagtoo. Gusto kong mahibalo mahitungod sa Kristohanong pagtoo.

**A.** Naay daghang 'manimbahay' nga mosimba sa adlaw'ng Domingo. Magpakabuhi sila sa ilang gusto sulod sa 6-kaadlaw og mosimbag kadiyot inig Domingo. Taphaw ang ilang Kristohanong kinabuhi. Naa say mobisita og daghan nga simbahan og maminaw lang sa mensahe. Bisan kining mga tawhana nagsimba sa adlaw'ng Domingo, daghan gihapon silag problema sama sa mga sakit, pinansyal og parti sa pamilya. Ngano man? Kini tungod kay wala silay tinuod nga pagtoo nga angayang ilhon sa Diyos. Atong tan-awon kon unsa ang 'tinuod nga pagtoo' sa Kristohanon.

## Pagtoo: Nagtoo sa Diyos Magbubuhat og ni Hesu Kristo nga atong Manluluwas

Sa Hebreo 11:3 mabasa, "Pinaagi sa pagtoo nasabtan nato nga ang kalibotan gibuhat pinaagi sa pulong sa Diyos og ang makita gihimo gikan sa mga butang nga dili makita." Pinaagi sa pagtoo gihimo sa Diyos ang langit og yuta og ang tanang butang niini pinaagi sa Iyang Pulong.

Gibuhat sa Diyos ang tanang butang sa tibuok kalibutan og kitang katawhan. Iyang gipaila ang Iyang kaugalingon pinaagi sa pagpakita sa kamatuuran sa Iyang mga binuhat, sa nahisulat sa Roma 1:20. Kon atong ablihon ang atong dughan og motan-aw ining kalibutana, atong mabati ang Diyos Magbubuhat. Ato sang mabati nga ang Diyos buhi pinaagi sa Bibliya, ang Iyang Pulong. Atong tinuod nga mabati ang buhi nga Diyos pinaagi sa gamhanang mga lihok nga nakita kaniadto og karon pinaagi sa mga tawo sa Diyos.

Ang mga Kristohanon motoo nga si Hesu Kristo maoy ilang Manluluwas og modawat sa Espiritu Santo isip gasa. Kon motoo ta gikan sa kinahiladman sa atong dughan nga giablihan ni Hesus ang dalan sa kaluwasan

og gilukat ang katawhan gikan sa mga sala og nihatang nato sa kinabuhing dayon og paglaum para sa Langit, atong madawat ang Espiritu Santo, mahimong anak sa Diyos, og makasulod sa Langit.

Sa gipasabot, ang Kristohanong 'pagtoo' mao ang pagdawat ni Hesu Kristo isip Manluluwas og mahimong anak sa Diyos Magbubuhat. Kon kita magpakabuhi subay sa Pulong sa Bibliya atong madawat ang mga tubag nga atong gipangayo. Dugang pa, kita maningkamot nga mahimong tinuod nga anak sa Diyos nga makatuman sa dughan sa Ginoo. Kini mosangpot sa kaluwasan sa nahisulat sa 1 Pedro 1:9, nga maoy modala nato sa malipayong kinabuhi nga walay katapusan, panalangin og kasadya sa Langit.

## Pagtoo: Pagkab-ot sa katungod nga mahimong anak sa Diyos og mabag-o pinaagi sa matuud

Daghang tawo manimba og nakatarong sa ilang Kristohanong kinabuhi, apan sa pinasugdan dili ang tanan nila naay tinuod nga pagtoo. Tinuod nga kon kita

maghinulsol, modawat ni Hesu Kristo, og modawat sa Espiritu, atong maangkon ang katungod nga mahimong anak sa Diyos. Kon atong masabtan kon kinsa ang Diyos og nganong si Hesu Kristo atong Manluluwas, og motoo nga naay Langit og Impeyerno, kini ang sinugdanan sa pagtoo. Unya, atong bansayon ang Pulong sa Diyos sama sa mga butang nga Iyang giingon nga atong buhaton, dili buhaton, batonan og ipalabay, nga naa mahisulat sa Bibliya. Kon ato ning mahimo, atong maangkon ang tinuod nga pagtoo nga ilhon sa Diyos.

Pananglitan naay tawo nga dugay nang Kristohanon. Kon dili niya balaanon ang tibuok 'Sabbath', dili mohatag sa tibuok ikapulo, masilag og makiglalis sa uban dili pa siya matawag nga naay tinuod nga pagtoo. Pinaagi sa pagsuta sa mga sala og daotan diha niya og sa matinguhaong pag-ampo, kinahanglan nga iyang palayason ang tanang matang sa daotan (1 Tesalonica 5:22). Ang nausab pinaagi sa matuud nga naa sa Bibliya maoy laktod sa tinuod nga pagtoo, nga mao ang 'bahandi sa mga bahandi'.

## Pagtoo: Ang kahulogan sa pagtoo mao nga may kasigurohan kita sa mga butang nga atong gilauman nga dili makita

Bisan pa sa pag usbaw sa siyensya og medisina karon, naa gihapoy mga problema nga dili matugkad sa abilidad

sa tawo, daghang mga bag-ong sakit, og ang grabing kalamidad nihatang og dakong kasakit sa mga tawo. Kining mga problemaha masulbad lang sa gahum sa Diyos, og kini pinaagi sa tinuod nga pagtoo. Ang Bibliya nipasabot mahitungod sa pagtoo sa Hebreo 11:1-2, "Ang kahulogan sa pagtoo mao nga may kasigurohan kita sa mga butang nga atong gilauman nga dili Makita. Pinaagi sa pagtoo ang mga tawo sa karaang panahon gikahimut-an sa Diyos." Ang mga butang nga dili makita sa tawo gihimong makita pinaagi sa pagtoo. Unsa ka makapaukyab niadtong naka eksperyensya ining mga

butanga! Pinaagi sa gahum sa Diyos nga labaw'ng gamhanan, atong matuman ang mga butang nga imposible sa pagkatinuud.

Katong naay tinuod nga pagtoo nga giila sa Diyos dili mawagtangan sa paglaum o masakitan sa matuud nga resulta sa matag sitwasyon. Mas gustohon pa nilang mamalandong sa gugma sa Diyos nga ilang mabati og magpasalamat sa lawum nga gugma Niya nga mohatag sa tubag og mga panalangin. Hinoon ang sangpotanan ini ilang madawat ang tubag sa bisan unsa nga ilang gipangayo sa dihang sila mosulti ini uban ang pagtoo.

## Pagtoo: Ang sukdanan sa gugma og ang bug-os nga pagsalig sa Diyos

Mabasa sa Mateo 7:21, "Dili tanan nga mitawag nako og 'Ginoo, Ginoo', makasulod sa Gingharian sa Langit apan kato lang nagtuman sa kabubut-on sa akong Amahan nga atua sa Langit." Ang tawo moingon, "Ginoo,

nitoo ko nimo", apan daghan nila ang nagpakabuhi sa Kristohanong kinabuhi nga pabor lang sa ilang kaugalingong binipisyo. Wala sila maghunahuna nga ang Diyos mopili og moila. Apan ang tinuod nga pagtoo mao ang sukdanan sa gugma og pagsalig sa Diyos.

Ang tinuod nga pagsalig mao ang relasyon nga dili madunot bisan sa unsang hitabo. Dili gyud ta magbutang og limitasyon sa pag-ingon, "Modawat ko kutob dinhi, apan kung mo sobra na gani, dili na." Kon kita makalabang sa maong limitasyon dinha pa nga kita makapakita sa insaktong binuhatan sa pagkamasinugtanon. Kon kita mohigugma sa Diyos

sa tibuok natong dughan og mamundok sa daghang binuhatan sa pagkamasinugtanon ubang ang pagsabot sa Iyang dughan, atong maangkon ang pagtoo nga makapahimuot Niya. Ang pagtoo maoy basihan sa Kristohanong kinabuhi, maoy laktod sa kaluwasan, og maoy gikinahanglan nga madawat ang mga tubag og grasya.

Manghinaot mi nga makaangkon ka sa tinuod nga pagtoo nga kahimut-an sa Diyos, maglipay sa awtoridad og panalangin isip anak sa Diyos Magbubuhat, og magpuyo nga walay katapusan sa nag sidlak nga himaya sama sa adlaw didto sa Langit.



Ang ginikanan sa akong inahan apil na ang iyang mga apohan nagtoo sa Ginoo. Si Pastor Kichul Joo maoy nangulo sa kasal. Ang akong inahan naghisgot sa ilang pagtoo og niwhag nako nga magbaton og pagtoo sa tanang higayon. Apan ako lang gitinguha ang kadato, dungog, himaya og kalipay. Igo lang ko mosimba.

Tuig sa akong kasal, 1997, nagtrabaho ko sa Samsung Semiconductor. Ang kompanya nag atubang sa dakong hagit tungod sa, 'IMF Financial Crisis'. Tunga-tunga sa brutal nga sitwasyon, nagtrabaho ko sa kompanya og aron lang makalahutay gikan sa sayong kaadlawon ngadto sa gabii. Akong gikalimtan ang Kristohanong kinabuhi, og nawala ang akong hunahuna og dughan tungod lang sa kalibutanhong kalampusan og kalipay.

Human ana ang kompanya nilungtad og gipasidunggan sad ko. Maayo kaayo ko. Apan akong nabati nga magul-anon ko sa espirituwal nga bahin og wala gani ko mahibalo sa hinungdan. Akong nabati ang pagka kawang og ang tanan walay pulos. Nagpangita ko kon unsa ang mas may balor, apan dili nako makaplagnan.

Aron makalingkawas sa maong pagbati sa kinabuhi, nibalhin ko sa Canada. Mayo 2002, nibalhin ko sa Calgary og nisimba. Nitambong ko sa nagkalain laing serbisyo lakip na sa 'Dawn Prayer Meeting' og ni boluntaryo sa simbahan.

Nagpakabuhi kong matinguhaon sa Kristohanong kinabuhi. Niadtong higayona, interisado kong mag abli og 'motel', mao nga nagtrabaho sad ko sa front-desk.

Samtang sa 2004, si Deacono Chunho Kim (karon Pastor Kim) nihatang nako sa libro ni Dr. Jaerock Lee ang *Hell og Heaven I & II*. Iya sad kong gitultulan sa website sa Manmin Central Church. Naminaw ko sa bililhong mensahe sa kinabuhi ni Dr. Lee, nga nakatandog kaayo nako og na grasyahan pa gani ko. Nakahunahuna ko nga dili ko maluwas sa pagtoo nga naa nako og kini nibag-o gyud sa akong kinabuhi. Nagtinguha ko nga makakita-personally, ni Dr. Lee



## ‘Mga panalangin nibaha sa pagkusog sa among negosyo’

Elder Hyunkyu Lee (Calgary Manmin Church, Canada)

Hulyo 2006, nibisita ko sa Manmin Central Church uban ang pamilya ni Deacono Chunho Kim. Sulod sa 1-kabulan sa Korea daghan kaayo ko og nakat-onan sa simbahan og nahagit ang akong pagtoo. Akong nakita nga ang simbahan gihigugma sa Diyos. Labi na gyud niadtong 'Summer Retreat', naayo ang sakit sa akong likud pinaagi sa pag-ampo ni Dr. Jaerock Lee sa mga masakiton. Labaw sa tanan natandog kaayo ko ni Dr. Lee nga nisakripisyo sa iyang kaugalingon para sa mga miyembro sa simbahan sama sa maayong magbalantay nga mohatag sa iyang kinabuhi para sa mga karnero. Atol ining akong pagbisita sa Korea, si Deacono

tibuok ikapulo sa walay kukalimot. Naghatag sad ko og mga halad ngadto ni Dr. Lee og permi nakong nadawat ang mga panalangin sa akong negosyo.

Nisangpot, nga ang akong negosyo nagantihan og 'Outstanding Sales Growth Prize' sa U.S. – headquarters sa ika 30-anibersaryo niadtong 2012, bisan pa man og naa ra sa lower-ranks ang among halin pagsugod sa negosyo. Basi sa Statistics-Canada, ang lebel sa kita sa akong pamilya naa na sa top 10%. Akong pasalamatan og himayaon ang Diyos nga nigiya nako ngadto ni Dr. Lee og nihatang nako sa mga panalangin.

Kim, gipadala ngadto sa Canada isip misyonaryo sa Manmin og nag abli siya sa Calgary Manmin Church. Kataposan sa Hulyo 2006, nakadawat ko pag-ampo ni Dr. Lee, giulohan og "Opening a business that Serves the Church Financially" sa dihang siya paingon sa U.S. aron sa paghimo sa New York Crusade.

Balik sa Canada, ang Diyos nigiya nako sa dalan sa grasya. Pag 2009, malampuson kong nakakuha sa 'franchise' sa 'Great Clips' usa ka hair-salon sa U.S. og Canada nga naay sobra sa 3,000 nga lokasyon sa maong mga lugar.

Nakasugat sad mi og mga kalisdanan, apan akong na diskobre ang akong kuwang sa pagsalig sa Diyos og naghinulsol ko. Og ang mga butang nga imposible gihimong posible sa Diyos aron pagpamatuud sa pag-ampo ni Dr. Lee.

Ang akong asawa, si Deaconesa Ranah Kim, maoy in-charge sa Local Personal Management og sa 'Hairdressing', og ako in-charge sa General-Management.

Sa kataposan malampuson kong nag abli og hair-salon nga bisan ang lokal nga mga taga Canada dili makasayon sayon paghimo. Og naghatag ko sa tibuok ikapulo 'tithes', kay kini dili akong kita. Bisin karon naghatag ko sa

## ‘Nakalakaw ko human nga nakadawat sa kalayo sa Espiritu’

Myrna Delmo  
(Davao Manmin Church, Philippines)

Sulod sa 20 katuig nag antos ko sa after-effects sa operasyon sa akong likod. Dili ko makahinumdom kon kanus-a magsugod nga ang *Balita sa Manmin* ibutang sa akong pultahan.

Bisan pa, ako ning gibasa og nakadawat og grasya. Unya nag parihistro ko sa Davao Manmin Church nga gialagaran ni Pastor Kathryn E. Kim. Sugod sa tuig 2013, ang akong paa mo gahi og walay kusog, mao nga dili ko makalakaw kon ako rang usa. Pun-an pa nahayang ko sa banyo pag Hulyo 2013, dili na gyud

ko makalakaw og naa nalang sa higdaanan. Naka dungog ko og maayong balita nga ang 'handkerchief healing meeting' (Buhat 19:11-12) pagahimoon ni Pastor Heesun Lee, ang Manmin World Guidance.

Disyembre 6, 2013, ang miting nagsugod, si Pastor Heesun Lee nag ampo para sa mga masakiton gamit ang panyo nga inampoan ni Dr. Jaerock Lee. Human sa pag ampo, usa sa 'mission trip team' nigunit sa akong kamot samtang naglingkod ko og giingnan ko niya nga pabarogon, apan dili nako mahimo. Apan kahibulongan, sa kalit lang didto nako magbarog sa altar!

Dili ko makahinumdom giunsa nako paglakaw paingon sa altar ang ako lang mabati nga mura kog naglutaw sa hangin. Unya si Pastor Lee nihatod sa mensahe, nagdayeg og nag ampo. Naghalad sad ko og mga pagdayeg ang akong tibuok lawas nagsayaw uban sa mga miyembro sa simbahan. Kini dili nako mahimo kaniadto.

Akong nadawat ang kalayo sa Espiritu, bisan pagpauli ang kaputol sa akong lawas paubos init gihapon kaayo og di ko makatulog. Sunod buntag, ang kahibulongang butang nahitabo! Nakabangon nako og naglakaw lakaw nga wala na manginahanglan og tabang. Halleluyah!



### Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuera Sampaloc, Manila, Pilipinas Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Pilipinas Pastor Peter Bae 0910-262-5465	Purok 3, Brgy, San Roque, San Mateo, Isabela, Pilipinas Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714